

INUIT ATAQATIGIIT INATSIARTUNI



UPA2023/35

Majip 24-at 2023

Harald Bianco

Nunat Avannarliit Killiit Siunnersuisoqatigiiffiata kaammattuutityut aalajangersagaanik nr. 4/2022-imi Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunanni Islandimilu naalakkersuisunut nunani avannarlerni killerni naligiissitaanissamut naalakkersuisut 2023-mi ataatsimeeqatigiissinneqarnissaat kaammattuutigaa. Tamatuma siunertarineqassaaq nunani avannarlerni killerni naligiissitaanermut naalakkersuisut Naligiissitaaneq eqqarsaatigalugut 2019-imiit 2022-mut nunani avannarlerni suleqatigiinnissamut pilersaarut, Nunani avannarlerni LGBTI-t naligiimmik pisinnaatitaaffeqarnerat, pineqartussaannerat periarfissaqartinneqarnissaallu pillugit tapertalerlugu 31. decemner 2024-ip tungaanut ingerlaqqittussatut nunani avannarlerni naligiissitaanermut ministerit 6. september 2011-mi aalajangiffigisaat, eqqarsaatigalugu misilittakkanik paarlaasseqatigiinnissaat. Taamatuttaaq kaammattuutiginerpoq nunani avannarlerni killerni naligiissitaanermut naalakkersuisut naligiissitaaneq eqqarsaatigalugu nunani avannarlerni killerni ajornartorsiutit suussusersiniassagaat taakkulu eqqarsaatigalugit suliniutit ataqatigiittut eqqartorlugit. Ilanngullugu kaammattuutiginerpoq arnat angutillu naaligiissitaanissaat eqqarsaatigalugit Naalagaaffiit Peqatigiit nunarsuarmioqatigiinnut anguniagassiaat nunat avannarliit killiit naligiissitaanermut naalakkersuisut suleqatigiinnerminni innersuussutigissagaat.

(Aallartitat siulittaasuat Kim Kielsen)

Siullermik Nunat Avannarliit Killiit Suliniaqatigiiffianni nunatsinni siulittaasorput Inatsisartut siulittaasuat qutsavigaarput kaammattuummumut ilaliinissamut aalajangiiffigisasatut siunnersuutaanut.

Nunatsinni naligiissitaaneq ukiorpassuannortuni eqqartorneqarpoq, assigiinngitsunillu sammiveqartarluni. Qulequttami pineqartut tassaapput suaiaqatigiit inooqatigiittarne-rannut tunngasut. Arnat 1948-mili naligiissitaalernerisa kingornagut nunani assigiinngitsuni assigiinngiqisunik ineriartortoqarsimavoq, ulloq manna tikillugu ilaatigut suli tamakkiivinngitsumik sumiffiit ilaanni aallunneqarluni.

Qulequtaq aallaavigissagaanni tassa suaiaqatigiit naligiissitaanissaannut tunngatillugu, nunat assigiinngitsut assigiinngitsorujussuarnik atugassaqartitsipput. Saqqummius-samili atuarneqarsinnaavoq, nunat avannaamioqatigiit arfineq pingasuusut akornanni (Nunarput ilanngullugu) pineqartunut naalakkersuinikkut eqqummaarittoqartoq. Tamanna nuannaarutissaasoq Inuit Ataqatigiinniit isumaqarpugut.

INUIT ATAQATIGIIT INATSIARTUNI



Suiaaqatigiit naligiissitaanissaannik nunat avannarliit suliniaqatigiilernerat 1970-imili aallartinneqarsimavoq. Pineqartunut nunat avannarliit suleqatigiinnissamut pilersaarutaannut ilassummik siorna ukiakkut naalakkersuisut akuersissuteqarsimapput.

Maannalu tassa qulequttat assigiinngitsut aallaavigalugit Nunat Avannarliit Killiit naalakkersuisui killiffissiuinnissamik ataatsimiinnissaannik kaammattorneqarput. Tamannalu Inuit Ataqatigiinni taperserparput.

Qujanaq.